

陽春縣志卷之二

建置 城池 廨署 壇祠 倉廩 梁津 隄陂

體國經野有善規焉凡以為民而已有長民之責者誠重民事講建置莫先於城池城池者捍衛之資也枹鼓雖警民有恃矣廨署者聽政出治之區下情所由達也理明必治幽壇祠者事神以庇民也旱乾水溢微倉廩曷以備也津梁隄陂之屬苟利於民有舉無廢也今

朝廷純仁民氣日盛地無論廣狹一夫不獲

聖人宵旰靡之滋茲邑者宜何如修舉勿壞以仰百度

陽春縣志 卷之二 建置

維新萬物得所之

邛治也哉

城池

縣在唐為春州治武德四年始築城高一丈厚六尺周四百二十丈宋皇祐二年知州薛利和修城

浚濠有記見藝文元季廢壞明洪武三十一年冬編

守千戶鍾良因舊址增築高三丈厚一丈周五百

六十七丈濠深一丈廣一丈周六百九十丈上建

敵樓三十座為門四東曰迎輝西曰靖江南曰鎮

蠻北曰仰京天順中守備指揮李盛暨知縣李

海重修立城堞設弔橋環植刺竹流賊不敢犯成
化五年守備指揮祖瑄重修增建樓舖八年按察
使陶魯以勦捕至今更雉堞爲串樓十七年知縣
邱祥又修城垣通濠塹宏治八年署所百戶江琳
修補罅隙正德十年知縣黃寬會千戶童璋分界
修理都指揮卜玉奉檄督修增高月城浚深濠塹
築成馬路嘉靖三十四年知縣謝復生以串樓圯
壞申允撤去仍立雉堞復疏濠塹萬曆九年知縣
黃憲清又詳請修築並架角樓葺窩舖修四門樓
易其名曰東和西靖南鎮北拱十五年八月颶風

壞樓舖知縣張文誥修復崇正八年知縣王魁春
以城濠年久廢淤復修葺而深浚之十五年知縣
陳軾增高城堞修建馬路及四門月城

國朝康熙九年知縣張含瑾捐建窩舖六座重葺城
樓二十六年知縣康善述奉部文大修遂葺四樓
城堞六十一年於學宮前增闢一門曰文明雍
正八年知縣主博厚捐俸重建窩舖八座馬路數
百丈乾隆二十一年南門之東城牆塌二十二年
南門之西及西門之南城牆塌知縣姜山修復之
四十六年南門東西城牆並塌知縣袁嘉德修葺

慶七年南門樓圯知縣彭昭麟修竝葺四門營房
官堆十七年東西二門樓圯知縣王鵬翥修二十
四年知縣陸向榮以城內正街磚石破碎捐廉買
石二百餘丈令典史白龍章董工鋪置路中並率
居民砌磚兩旁其平如砥

廨署

縣署在城正中創建年月無考宋皇祐二年知州

薛利和重修有記

見藝文

後寢壞明洪武元年知縣

黃景明復修永樂元年主簿江源重建正廳四楹
廳後有堂花廳在正廳之左耳房在正廳之右正

春縣志

卷之二

建置

三

統四年知縣宋啟築申明旌善二亭於大門外又
置榜樓於前景泰五年知縣李福海修正廳儀門
及東西司房成化九年知縣邱祥重建鼓樓儀門
宏治十五年燬於寇後漸次修葺嘉靖四年署縣
事本府通判黃寬仍故址深三十五丈廣四十一
丈重建正堂後堂各三間東西吏舍二十庫房一
堂右爲龍亭庫二門外爲譙樓爲儀門爲土地祠
其申明旌善二亭及獄房四間葺治如舊又堂之
東前建知縣衙舍後建典史衙舍皆三座吏舍七
座三十二年知縣謝復生重建花廳茶亭後廳及

前後左右共五棟二廂又修典史衙前堂後廳
左右廂房并以獄房抵濕填而高之砌以磚石鋪
以木板增置獄正廳一東西房各二隆慶間知縣
熊烈以典史衙不應在縣令署之上乃移入居之
以前縣衙宇爲典史廨舍萬曆十一年知縣黃憲
清以庫房後庫樓久塌復架樓一座上儲冊籍民
壯夜巡其下樓後有園牆外曠地募民居之以爲
後衛明末兵燹之後堂廡廨舍鞠爲茂草矣

國朝康熙十二年知縣張含瑾捐俸修十之五六二
十六年知縣康善述捐俸修大堂後堂三十七年

知縣楊良於大堂之左重修幕館三間顏曰攬秀
建造大堂前左右房十二以居吏雍正十年奉
捐俸修牢獄堆舖乾隆十年知縣董宗德捐俸修
拱亭十八十九年知縣葉世度修牢獄房圍牆增
高三尺姜山復加二尺共高一丈一尺五十一
知縣郎煜奎捐廉重修花廳六十年縣署大堂塌
於風嘉慶七年儀門圯知縣劉子揚彭昭麟先後
捐廉修復之二十五年知縣陳懷彥捐廉將署內

重修

教諭署在明倫堂左二進廣一丈二尺深各一丈

許旁有小門達明倫堂其始建未詳雍正八年教諭陳世蓮於署左建房舍南北向各二濶俱深如之東側有園地小池乾隆六十年修明倫堂因兼葺署之西廂房二間嘉慶十八年復以修書院撥工重建後堂三間并東西兩廊新建東廂房二間餘俱完葺

訓導署在明倫堂右二進廣三丈深十丈始建亦未詳康熙四十二年訓導朱天保重修署左客廳濶三丈深二丈許久俱圯乾隆二十三年訓導阮大材又於後進新建一座濶二丈深如之旁啟小

門以通明倫堂外爲園地傍尊經閣枕康公書院別有小池四十五年訓導蘇振權捐俸修前堂三間嘉慶二十二年訓導陸樹蕙以齋舍剝落捐貲平基建造凡三進進三間中增甬道以廣內堂前移牕檻以廣外堂有記

見藝文

古良司巡檢署雍正九年巡檢王道興領帑建凡四進進三間各深二丈五尺乾隆二十二年巡檢金國秀節次捐俸添造大堂左土地祠班房及三房宿房廚房嘉慶十九年巡檢陳德瀾倡修二十四年巡檢蔣國華倡捐重修黃泥灣司巡檢署乾

隆元年新設巡檢張舒領帑建凡三進進三間
左右廊房及土地祠深十三丈濶七丈二十二年
巡檢王璋于左右隙地捐俸增建宿房二間知縣
姜山於乾隆二十一年捐俸於署內之左建書房
三間

典史署在縣二門外之東先是明嘉靖四年署縣
事黃寬於縣堂東之後建典史衙二座三十二年
知縣謝復生又爲建前堂後廳各一左右廂房二
至隆慶間知縣熊烈以典史衙在正官署之上于
體制未宜乃更典史衙爲縣署而以前縣衙宇爲

典史廨舍凡三進深十二丈

國朝乾隆二十三年典史李沼捐俸修葺嘉慶七年
典史戎斌捐修二堂並花廳二十三年典史白龍
章捐修土地祠

守備署在西門大街康熙五十六年建爲進者三
濶三丈七尺深九丈五尺乾隆二十一年守備鍾
繆華重修嘉慶十七年新改陽春營舊署坍塌十
八年守備蘇雲領項修建凡三座座各三間東西
廊房二箭亭在署側
掾房在城西馬房巷

火藥局在城東南隅菠蘿根

軍裝局在縣署前蓮塘湄嘉慶十九年守備蘇雲
領帑與椽房火藥局同時創建

左哨千總署未建借居城隍廟側康公祠

分防那旦汛把總署

分防鷺八公汛把總署俱未建住各該汛營房

官亭在西門外河埠雍正十二年知縣王秉運捐

俸建乾隆八年知縣董宗德重修二十二年知縣

姜山捐建牌樓

行臺在那旦河旁乾隆二十年監生陳宏士捐貲

陽春縣志

卷之二

建置

七

建三進高一丈五尺許深五丈濶三丈七尺許地

爲民人鄒集璋章宏公捐

養濟院在城西明嘉靖十三年知縣江鎬建正廳

一左右廂房各三門樓一

國朝康熙九年知縣張含璉二十六年知縣康善述

次第修理乾隆二十三年知縣姜山重加修葺

監獄府志在縣署頭門內之西男監四女監一男

設外監一間別其罪輕重收禁

壇祠

先農壇雍正五年奉

立在城東知縣楊景買柯姓田七畝許以建壇高二尺一

寸濶二丈五尺後為先農祠中設神位東房貯祭品農

具西房貯藉田米穀配房二東置祭器西為農民

居

山川壇在城南一里嘉慶五年知縣鍾英修築

社稷壇在城北一里明洪武三十年知縣黃景清

建

城隍廟在縣治西建立久遠萬曆十九年知縣秦

劉允重修前座

國朝順治十四年知縣單九翔重修後座康熙二年

陽春縣志

卷之二 建置

知縣莊繼獻二十六年知縣康善述俱重修雍正

九年知縣王博厚撥租二十九石有奇以供香火

乾隆二十二年知縣姜山勸捐創建頭門樓戲臺

拱蓬及東西牆三十九年五十五年知縣邵應鳳

孫樹新次第重修嘉慶二十一年知縣張桂森倡

捐更其基址重新建築以泰山廟舊址拓其後座

戲臺客廳俱備邑舉人林宜鐸暨府知事職梁朝

棟等董其役

文昌祠在瑞雲書院樓上建立詳見書院

關帝廟在縣治東明萬曆間知縣吳應試建天啟

開知縣錢兆元修

國朝雍正九年知縣王博厚撥租三十石有奇以供香火乾隆十二年知縣錢逢泰二十二年知縣姜山五十五年知縣孫樹新先後重修

校場武廟在東門外順治甲午年楊蒙捐建並施租三十石租銀五兩乾隆六十年邑紳蔣世可捐資重修嘉慶二十年守備蘇雲倡捐與修邑紳梁朝棟等董事增高後殿推擴前亭周以廊廡翼以旁室

天妃廟在西門外沙尾渡陳素恆創建雍正十年

縣志

卷之二 建置

九

重修嘉慶九年公捐重建其餘西河堡下馬水塘岡尾墟合水墟八甲福祿河口俱建立

洪聖廟在城西催塘街嘉慶二十年職員李承遠等倡捐重建

文武爺廟一在太平都三甲堡康熙四十一年劉裔燧建嘉慶二十五年副貢生劉世柔等倡捐重修一在企塢墟有廟租十二石鄉人徐文煊張茂貞監生張翼成等捐施

武帝廟一在潭水墟乾隆四十一年李士毅倡修嘉慶二十一年歲貢生李家翰叩問李才燦監

馮德昌等倡捐重修家廟又自設舖糶讓糶
通行巷道一在石棗墟一在石尾金龍巖

按壇祠以祀典為斷廟或建於城或建於鄉其為載在祀典則一也故並書焉非此則不錄亦以正人心而弗黷於邪也

名宦祠在 學宮戟門外之東祀陳太守馮僕唐司馬姜晦宋知州薛利和明知縣黃景清趙清梁潛李通龔垣黃寬黃憲清傅慶貽教諭伍銓

國朝總督李棲鳳李率泰巡撫朱宏祚康熙二十六年崇祀

督楊宗仁巡撫楊文乾雍正九年崇祀

陽春縣志

卷之二 建置

十

鄉賢祠在 學宮戟門外之西祀宋進士廣南東路提舉章君載元昭勇大將軍沿海招討使梁國傑明舉人崔士瞻莫尙俊莫與審理梁棟知縣江英勅封知縣梁崇伯

國朝貢生劉啟銘康熙六十年入祀

右二祀乾隆六十年與

文廟重建

忠義孝弟祠祀忠義林桂徐洪劉廷亮何萬邦賴玉德謝詔汪雲梓楊翼曾嗣宗李素孝友謝梓陳覺

節孝祠祀烈婦鄧氏福山知縣汪漢妻李氏輪水謝烈女

馮氏馮秀生女貞女黎氏梁汝高妻謝氏黃中和妻節孝林氏本城

汪雲黃氏三甲庠生劉家塘妻容氏冲嗣嚴梁氏城北河

按二祠俱雍正三年建在瑞雲書院東久圯嘉

慶十八年重建

黃侯書院

雷侯書院

錢侯書院

陳侯書院

右四書院為明知縣黃憲清書啟御錢兆元陳

春縣志 卷之二 建置

軾生祠在城北門外燬於西寇某址無存

賢良祠在學西街之後祀知縣王魁春康善述李

敬修後圯遂併祀五循祠

蘇侯書院在縣學後東隅祀知縣蘇澎雍正四年

紳士捐置租三十三石有奇在順陽都陸宇富

完糧今院久廢併祀蘇侯於五循祠其租亦歸五

循祠收管輸納

五循祠在縣學後忠孝祠東祀知縣王魁春置九

翔康善述李敬修蘇澎王博厚乾隆三十年邑紳

士建凡四進三間

龍光閣在儒林門內

文廟之東嘉慶二年建高四丈許祀文昌神以上

層祀魁星焉

文塔在城南里許岡背嶺凡九級高逾七丈嘉慶元年建

文武閣在太平都三甲林報鄉乾隆十九年建監袁王三姓共捐祀租五十餘石

文閣一在太平都三甲堡東溪康熙六十一年劉實庵建施租二十五石一在八甲福悠鄉庠生黃行素子孫建一在大洞墟一在企嘯墟下瀧

陽春縣志

卷之二 建置

七

射木神祠在縣東南十里射木山唐春州司馬姜晦禱雨輒應因建今祠雖廢旱輒往禱焉

邑厲壇在城北

軍牙六靈神祠在千戶所署今廢

倉廩

際留倉在縣東南隅明永樂間建廩三成化十年知縣邱祥增廩六正德十年知縣黃寬以簞席錢詳請修葺十二年以缺貯又申請另建三廩及官廳一座深十五丈許廣十二丈卽今倉邊巷常平

倉廩

預備倉在縣治儀門外之右明景泰間知縣黃澗
建廩一嘉靖四年知縣黃寬移置縣治後東北隅
深一丈廣四丈後以地卑黧朽且際留倉久頽知
縣謝復生請移就際留倉并而爲一更名常平倉
共廩二十

新倉雍正六年署知縣喬振先詳明在奉裁所衙
捐俸建設廩三七年知縣黃敷言復詳請建廩五
乾隆六年知縣董宗德又于所衙建廩一嘉慶二
十二年知縣張桂森於後牆東西各建二廩合常
平倉共廩三十二間貯穀二萬零七百二十五石

陽春縣志

卷之二

建置

三

三斗五升

社倉雍正二年奉

旨設立原捐民屯社穀共壹千柒百叁拾貳石伍升各鄉

置社長二人司之以便賑濟

城廂內外倉在萬壽寺右廂

頭堡倉在定慧庵左廂

南在堡倉在流陂村

平坦堡倉在合水廟右

高岡堡上倉在來鐘寺

高岡堡下倉在紫雲庵

那烏雲霖二堡其一倉在黃泥灣

青山堡倉在早禾岡村

蓮塘堡倉在蓮塘寺

大錨灣堡倉在永鎮市

石望堡倉在石望墟邊寺

西河上下倉在龜岡廟

下河上堡倉在岡春廟

下河下堡石棗堡二堡其一倉在塘底墟

鳳北堡倉在石嘴村

鳳南潭水現堯三堡其一倉在潭水墟

陽春縣志

卷之二

建置

古

龐垌堡倉在龐垌墟

那旦堡倉在陳村

六甲堡倉在喬連墟

七甲堡倉在丹洞村

八甲堡倉在八甲墟頭

岡尾堡倉在岡尾墟三聖宮

三甲堡倉在荔枝山村

以上凡二十三處

乾隆十七年奉行設立專倉三一在城內縣治後

貯穀捌百柒拾石壹斗肆升一在黃泥灣司屬貯

穀肆百玖拾石壹斗一在古良司屬貯穀肆百伍

拾貳石捌斗肆升各舉社正社副司其出入其創
建倉費爲紳士公捐有碑記今俱廢

社倉原捐續捐共穀肆千陸百柒拾貳石貳斗捌
升內雍正二年捐穀壹千肆百肆拾柒石柒斗柒
升乾隆十六年續捐穀貳百捌拾肆石叁斗壹升
二十三年紳士捐賑餘米撥入社倉穀叁拾壹石
二十五二十六六年續捐穀貳千玖百玖石貳斗又
各年支存息穀壹千玖拾捌石肆斗陸升零又溢
息穀叁石柒斗壹升通共穀伍千柒百柒拾肆石
肆斗伍升零嘉慶元年報缺穀貳千貳百叁拾叁

陽春縣志

卷之二

建置

五

石陸斗捌升零八年報缺穀叁千伍百肆拾石柒
斗陸升零其缺穀價銀均已解貯藩庫現各處社
倉廩座亦傾圮

梁津

墟附

南門橋在南門外正街初架木爲之乾隆二十五
年圮于水邑人徐耀捐貲易以石長二丈許濶八
尺橋下亦築石磚

普濟橋本名洗馬坑橋在西門外明崇正十年知
縣王魁春捐貲重建更今名護以環壁高一丈四
尺廣一丈長五尺

石陂河橋在岡脊堡長丈許濶五尺餘高丈許乾隆三十四年生員陳崑山捐資建

高坡石板橋在西河乾隆二十年監生郭逢彩民人柯廷鏞捐資造

沙河石拱橋在西河乾隆十七年柯廷鏞郭逢彩生員游尙謙陳彩龍謝仁尙陳文卓呂淮徐約中等捐建後圯嘉慶二十五年里人顏立槐等倡捐改砌石條濶六尺長肆丈許

麻塘地橋在城東里許嘉慶二十三年監生吳坦豐陳開泰倡捐重建築以灰石

陽春縣志

卷之二 建置

六

清水河橋在南門外八里乾隆十六年生員柯日旦捐資築又于橋畔建亭買澁垌森木根田以歲租所入租六石稅米一斗燒茶湯以飲行客亭今廢

青石橋在城南三十里平山村跨青石小溪

柏木橋在縣西四十里太平都明天啟間易以磚國朝乾隆十二年邑人沙縣知縣黃秉乾捐金改築以石

黃塘石橋在那旦堡乾隆十九年里民陳盛等捐資造

那旦石橋在那旦堡乾隆二十年里民余雲昇捐

資造

關草閣石橋路在城西南五十餘里鳳北堡監生
李士茂捐資建

水甕橋在縣西南六十里太平都康熙四十一年
監生劉啟鎰捐資建砌以青磚濶八尺長三丈許
乾隆十二年舉人劉宗湘重修

客子橋在鳳北堡康熙四十五年生員黃錫虬捐
資造

蓮塘石橋在鳳北堡乾隆十五年生員林上昭林
宜揚里民林澤林英等捐資造

陽春縣志

卷之二 建置

七

定甯橋在鳳南堡石橋三道陳洪佐倡修

潭水涌橋在城南六十里原架木三道被水冲陷
嘉慶八年職員李家裕倡捐以石修築

河村垌橋在城西南六十里現堯堡里人張鳳
等倡捐建砌以大石濶盈丈長三丈有奇

梭羅陂橋在城西南七十餘里現堯堡原架以木
嘉慶十七年歲貢生李家翰倡修架以石條濶三
尺長十倍之

三板石橋在城西南八十餘里鳳南堡亞媽垌
隆五十五年監生李家祥倡修

山仔橋在八甲堡乾隆十一年黃秉乾捐資造
碧達橋在縣西一十里南鄉都

水湖石橋在青山堡中步乾隆二十一年里民關
月昇勸捐建

望天湖橋 石橋 頭橋 大泉墟橋俱在順陽

都高岡堡

大車埕橋 流水埕橋俱在順陽都青山堡

拱橋在那烏堡馬子陂雍正九年監生梁朝陞等

捐資建

大河橋在城北八十里雲霖堡初名雲霖橋被水

冲塌乾隆四年生員鍾如璽監生何經勸捐修復

更名

小河橋在雲霖堡小河初為木橋乾隆十一年坍

于水知縣郝士敏生員顏成一勸助修築加石板

其上

楊柳嶺路在城西南九十里乾隆三十八年李士

毅捐資闢二十餘里六十年又與職員王華章續

修

企塲路在城南八十里乾隆五十五年李家祥倡

修

荆山逕路在城西南七十餘里嘉慶十七年李家翰倡修二十五年監生藍國瓚劉士乙等復倡修逕之前後路並架大小石橋一十二道
龐洞茶亭在太平都古牛山頂路通東安監生范居禎職員范基才監生范基培於嘉慶十七年同建捐租施茶

籬坪逕茶亭在城西南八十里嘉慶元年監生曾廷桂李善海同捐修并施茶焉

河亭渡在西門外舊志有船有夫官給之

沙尾渡西門外一里

陽春縣志 卷之二 建置 七

北瀧河渡縣北五里舊志有船有夫官給之

潭洛渡縣南五十里

渡口渡縣南十一里

潭邦渡縣南五十里

下馬水渡縣西南三十里官渡

水月宮渡城北一里舊志官渡

那旦渡縣南六十里

三甲河口渡縣西南八十里官渡

六甲麻催渡縣西南一百里官渡

那烏渡縣北六十里舊志官渡

灘潮渡縣西北四十里

垠尾渡

水圍渡 俱在蓮塘堡

中步渡 在青山堡

合水渡

那雄渡

高岡渡 俱在高岡堡

渡船現為官渡者三官月給渡夫米船亦官修
縣前總鋪在縣治東門外下至山口上接青石均
三十里

陽春縣志

卷之二 建置

辛

山口鋪在城南三十里上至縣前下至那旦均三十里

那旦鋪在城南六十里上至山口下至陽江蓮花鋪均三十里

青石鋪在城北三十里上至那烏四十里至黃泥夾三十里下至縣前三十里

那烏鋪在城北七十里上至雲霖二十里下至青石四十里 若移于黃泥夾則上下至俱三十里

雲霖鋪在城北九十五里上至新興天堂三十里下至那烏二十里 若移復黃泥夾則下至那烏亦三十里

舊志郵舖十二處曰縣前曰三家店曰山口曰潭
笏曰那旦曰牛岡墳曰高流水曰川山寺曰那烏
曰黃泥灣曰牛軛曲曰分界并附著焉

按原額設舖役每舖一名上下公文不能分遞
因將各舖抽移旣而雲霖那烏青石縣前山口
那旦六處派役二名始敷馳遞又那烏舖上下
至遠近不均向者黃泥灣等汛改隸羅定協時
那烏舖亦在黃泥夾武塘上下適中其後因舖
房傾圮遷復那烏以道里核之似應仍移于黃
泥夾斯郵遞程途畫一矣

東門墟在東門外校場

城南三十里曰下馬水墟又五里曰蟛蟹灣新墟
又五里曰潭笏墟又五里曰岡尾墟又橫斜約三
十里曰澗水墟曰金堡墟曰黃強墟又二十里曰
企勘墟其城西三十里曰石棗墟又三十里曰龐
洞墟俱屬南鄉都

城西南六十里曰潭水墟又三十里曰三甲墟曰
河口墟又二十里曰喬連墟又二十里曰八甲墟
又旋轉約四十里曰雙溶墟又二里曰盤龍墟俱
屬太平都

城北十五里曰三湖墟又五里曰壁筮墟又十里曰高岡墟曰合水墟又十里曰潭吉墟曰岡陘墟又五里曰大垠墟又十五里曰青山墟又十里曰松柏墟又三十里曰交岡墟曰河垠墟俱屬順陽都

城北七十里曰大垌墟又十里曰石龍墟曰黃泥灣墟又十里曰那烏墟曰雲霖墟曰石望墟俱屬思良都

隄陂

黃麋灘陂 逕口陂 俱南在堡

陽春縣志

卷之二 建置

油柑河陂 龍岡西河堡

陂頭陂 河口陂 大塘陂 黃金灘陂 俱那日堡

第一步水陂 馬欄陂 大圓垌陂 長田垌陂

合仔陂 南山陂 田心陂 斜仔陂 茅坪陂

藍青陂 俱鳳南堡

沈龍陂 石龍陂 石牙陂 角塘陂 俱三甲堡

繒仔灘陂 垠頭陂 思茅垠陂 大陂頭陂

茶寮陂 刹猪步陂 俱六甲堡

大垠陂 蒲紹高車陂 藤沙垠陂 新村陂

大陳垌頭陂 消河陂 石桶陂 黃石陂 俱七甲堡

波 沙尾陂 大陂陂 回龍宮陂

犁頭步陂 清湖陂 福悠垌陂 俱

陂 平山陂 長山 俱石棊堡

大持 范屋陂 熱水 水

羅鳳陂 橫河陂 般弓 俱平坦堡

河口陂 高岡堡

大垌陂 逕口陂 陂頭陂 俱那烏堡

涌洞陂 山背陂 俱青山堡

井坑陂 雲霖堡

平山陂 蓮塘堡

外縣志

卷之二 建置

三

塘陂 大塘陂 俱石望堡

